


Wanem prodak nao fama bai I ekspekte sapos hemi manejem gud wudlot o plantesen blong hem?



3. Prodaks

Bes prodaksen long saed blong kwaliti hatwud blong Sandalwud I kro bigwan long wan stret stampa long wan tri nomo sapos oli manejem gud wudlot folem ol manejmen tekniks ia.

Rison hemi from:-

- Oi Sandalwud oli helti, bebet I no kilim ol tri long wudlot o plantesen mekem se bai oli save kro strong nomo I stap.
- Oli save winim bigfala mani long hatwud blong Sandalwud.
- Hemi olsem wan bank we I laef I stap long kraon mo oli save usum olsem wan Karanti blong sikurem wan lon long bank from wan bisnis o buildem haos.
- Hemi fiuja blong ol pikinini blong tomoro.
- Hemi addem ekstra valiu long kraon.
- Valiu blong wudlot hemi hae mo sapos oli planem ol akrikalja krops wetem ol wud ia mo fama I save winim mani long ol difren taim bifo I karem mani aot long ol Sandalwud blong hem.

Sapos yu wantem moa infomesen
long saed blong manejem gud wan wud-
lot o plantesen, plis

kontaktem eni Ofis blong Dipatmen
blong

Forestri long Provins klosap long yu
blong oli save helpem yu.

Telefon namba blong ol forestry ofis
long ol Provins I go olsem,

1. Forestri Dipatmen HQ long Shefa 23171
2. Forestri Dipatmen long Tafea 88634
3. Forestri Dipatmen Ofis long Malampa 48705
4. Forestri Dipatmen Ofis long Sanma 36616
5. Forestri Dipatmen Ofis long Penama 38186
6. Forestri Dipatmen Ofis long Torba 38557

Produced by Phyllis Kamasteia
Mapping Officer
Planning Section



Dipatmen blong Forestri I prodiusum smol liflet ia wetem faenensial sapot blong NZAID long saed blong neseri establishmen mo wudlot manejmen.

1. Pruning hemi bes teknik blong applaem long wudlot o plantesen blong Sandalwud.



1. Pruning (Fasin blong katemaot ol fes branj) long wan tri.

Stret taim blong stat katemaot sam fes branj blong wan tri hemi afta 3 yia. Katemaot 1 o 2 branj nomo. Mekem bakagen afta 2 o 3 yia. Fasin ia save stop nomo taim tri i kro longfala bitim haet blong wan man.

Rison blong applaem teknik ia hemi blong:-

- Mekem se stampa blong Sandalwud I kro smut mo I stret wetem wan bigfala stampa nomo.
- Impruvum kwaliti blong hatwud mo leftemap valiu blong hem long lokol o ovasi maket.
- Ridiusum ol problems blong salem wan bigfala sandalwud tri we I gat smol hatwud.
- Inkrisim development blong hatwud mo tanem I kam olsem oel.

Tingabaot se blong ol tri oli kro gud oltaim, katemaot inaf nomo long ol fes branj mo livim plante I stap blong helpem tri i kro gud.

2. Thining hemi narafala bes teknik tu blong applaem long wudlot o plantesen Sandalwud.



2. Thinning (Fasin blong katemaot samfala Sandalwud tri o narafala wud sapos oli fasfas tumas insaed long wudlot o plantesen)

Narafala teknik we oli mas applaem taim ol sandalwud oli kasem 10—15 yia hemi blong katemaot sam smolsmol sandalwud we oli fasfas tumas o I gat nara tri we oli no kro gud nating wetem hemia we oli bin planem mo kipim hemia nomo we I kro stret.

Rison blong applaem teknik ia hemi blong:-

- Mekem se Sandalwud I kat inaf speis mo kakai long kraon blong helpem ol i kro gud mo helti.
- Lukaotem gud ol Sandalwud nomo we oli planem folem spacing blong mekem se bai I gat gudfala prodaksen we valiu blong hem I hae.
- Inkrisim krot mo valiu blong Sandalwud tri.
- Ol kaen wud we oli kro andanit long shed ia nao oli safa mo. I minim se ol kaen wud olsem ia nao, oli mas katemaot blong I no kompit from kakai long kraon mo san wetem Sandalwud we oli bin planem.

3. Widing tu hemi nara samting we I kontribiut bigwan long manejmen insaed long wan wudlot o plantesen blong Sandalwud.



3. Widing (Fasin blong katemaot kras o rob we I fasfas raon long stampa blong Sandalwud).

Widing aktiviti I save tekem ples long wan taim long evri 2 wik. I minim se fama I save katem kras tu taim nomo long wan manis. Bai I dipen plante tu long weta mo wanem kaen bus we oli planem Sandalwud long hem. Sapos tumas ren, I minim se I mas gat mo widening long wan manis.

I kat tri kaen widening:-

- **Ring widening** (katemaot kras o rop 1 mita raon long stampa blong tri).
- **Laen Widening** (katemaot kras o rop 1 mita aot long tufala saed blong laen blong ol tri we oli planem).
- **Openemap laen** (katemaot ol narafala tri we oli stap long saed blong laen blong ol Sandalwud we yu planem).

Rison blong katemaot kras o rop raon long stampa blong ol Sandalwud I blong:-

- I fri blong kro hariap mo bai I gat wan hae pesentej blong ol tri we I laef.
- No alaoem tri blong kro krukut blong I no spolem kwaliti blong hatwud.
- Ples I klia blong stopem sik ino afektem kro blong tri blong hemi kro helti oltaim,
- Nogat narafala tri, kras o rop I faet from kakai long kraon.